

六菩薩名亦當誦持經

後漢失譯人名見費長房錄

師子戲菩薩

師子奮迅菩薩

師子幡菩薩

師子作菩薩

堅勇精進菩薩

擊金剛慧菩薩

巍巍十方佛

堂堂聖中王

妙相三十二

衆好八十章

身出妙光明

普照諸十方

願身自歸命

稽首諸法王

巍巍十方佛

無極大慈悲

興立諸大誓

濟度諸群黎

多聞歡喜者

功德巨稱載

願身自歸命

稽首諸大哀

巍巍十方佛

功德不可量

慧如無量海

灌澤諸十方

其有聞名者

除咎消諸欲

歸命大智慧

稽首正覺王

巍巍十方佛

國土甚清淨

七寶爲莊嚴

妙香梅檀形

悉純諸菩薩

亦無二乘名

既十

四

唯說不退轉

般若之道英

巍巍十方佛

三世道之珍

其聞信樂者

疾成無上真

遊於菩薩道

堅住不退輪

所生常見佛

速值諸世尊

巍巍十方佛

三世之導師

至心懷恭敬

信樂無狐疑

所生常端正

顏容甚光暉

辯才慧獨遠

願禮天人師

別有四菩薩

此四大士皆過去十方諸佛之師此四大士

初始造行之時發大誓願言我當度一切衆

生至其都得涅槃然後當取佛土是故應誦

念誦持得無量無邊功德至不退轉譬如三

千世界盡虛空滿中紫磨黃金用之布施不

如一須臾之間誦念此四大士名其所得功

德出過爾所黃金施上千億萬倍其名曰棄

陰蓋菩薩寂根菩薩慧威菩薩不離菩薩

六菩薩名亦當誦持經